

Scientia Sanctorum

Collecta Ex Meditationibus Ludovici De Ponte, Joannis Busaei, Joan.
Suffren, Juliani Hayneufve, Et Antonii Gaudier, &c. E Societate Jesu, In
Dominicas, Festa & ferias totius Anni digesta. Cum Indicibus duobus. I. In
singulos dies. II. Ad Exercitia Spiritualia

Puente, Luis de la
Dilingæ, 1685

39. Pro festis Sanctorum.

[urn:nbn:de:hbz:466:1-60588](#)

MEDITATIO XXXIX.

Pro Festis Sanctorum.

Aliqua puncta generalia sunt, quæ
aptari facile poterunt.

PUNCTUM PRIMUM.

A Terna electio, & illius exequendæ mo-
dus, ac ratio, quam significat Paulus illis
verbis: *Quos prædestinavit, hos ē vocavit; ē
quos vocavit, hos ē justificavit; quos autem ju-
stificavit, illos ē glorificavit.* Prima igitur est e-
lectio gratuita ante mundi constitutionem, ut es-
sent Sancti, & *immaculati in conspectu Dei:* ut
in eis ostenderet divitias gloriæ suæ: nam cùm
id omnibus, qui salvantur, conveniat, præcipue
illis, quos Deus mirificare voluit etiam in ter-
ris.

Secunda est *Vocatio*, quæ varia extitit in di-
versis Sanctis, & habuit semper aliquid singula-
re, quod in unoquoque erit observandum.

Tertia est *Justificatio*, ubi consideranda sunt
specia liadona cuiusq., & insignia sanctitatis. A-
gendæ porro erunt Deo grates pro donis in eos
collatis, gratulandūmque ipsimet, nobis autem
ex imitatione fructus colligendus.

Quarta est *Glorificatio*, ubi recoli poterit pre-
tiosa illorum mors, & transitus ad beatam æter-
nitatem.

PUN-

PUNCTUM II.

Quomodo respoderint gratiae Dei sibi comunicatae, exequentes illud: *Si quis vult venire post me, abneget semetipsum: tollat crucem suam, & sequatur me.* Ubi continentur tria: *Abnegatio sui, gestatio crucis Dominicæ, sequela Christi* in quibus Sancti excelluerunt. *Abnegatio* est mortificatio carnis, & appetitionum. In hac excelluerunt Sancti, nam si aliquando in peccato vixerunt, post conversionem acti pœnitentia vindicarunt: quod si ab initio præventi gratia fuerunt, nihilominus contendenterunt carnem domare, & subiectam spiritui reddere, & leves etiam culpas severè castigare: *Carnem Gal. 5. suam crucifigentes cum vitijs, & concupiscentijs.* 24. Nec modo appetitiones circa illicita frænarunt, verum etiam circa concessa, ut violenter cælum raperent.

Bajulatio autem crucis in laboribus pro Dei gloria fortiter subeundis, difficultatibus superandis, atque adversis tolerandis præcipue spectatur.

Denique sequela Christi, in studio illum imitandi, & voluntatem illius accurate impletandi, consistit. Ex quibus colligam confusione mei ipsius, & proficiendi desiderium.

PUNCTUM III.

Quibus favoribus Deus illos affecerit. Huc Libera-
pertinent visiones, revelationes, gratiae sa-
Tem, II. T mitatio-
nitas Dei
in San-
cto.

natum, operationes virtutum, aliisque extra ordinem communem. Deinde in ipsa morte peculiari visitatio divina, aut Angelorum, & prægustatio cœlestis suavitatis ; post mortem autem honores publici decreti, & veneratio eis exhibita à Potentatibus qui eos olim despiserent. Præterea in die judicij honorifica sessio, & exaltatio, præter id quod intrinsecus latet.



PARS